



## Universitätsbibliothek Paderborn

**Hebdomas Patientiæ Sive Methodus Facilis Totam  
Septimanam Inter Omnes Fortunæ, Ac Vitæ, Coeterosque  
Casus Humanos In Sancta Quietæ, Pace, Et Patientia  
Transigendi Ex Consideratione, Imitatione Et ...**

**Dietmer, Georg**

**Moguntiæ, 1674**

Caput III. Sæpius memoria versandos dolores B. V. M. quod aptissime fiet  
recitando officium de dolorosa Dominâ nostrâ.

[urn:nbn:de:hbz:466:1-46586](#)

quo sub præsidio versentur ii, qui injuriolas criminationes æquo animo ferentes, exemplo Virginis, gemente quidem animo, cœterum pacato, & in DEI voluntatem resignato perferre allaborant. Tu, age, propositumque ejusmodi apud animum tuum concipe, ex amore, compassionisque affectu erga dolorosam tuam Matrem omnes calumnias, detractiones, omnesque delationes sive iis veritas subsit, sive malevolo animo confitæ fuerint, quo decet Martyrum Reginæ filium, heroico animo perferendi, erit tempus cum hujus sibi delati cultus memor, patientiam tuam æterno præmio per filium suum coronari fidelissima Mater exposcet.

## CAPUT III.

*Sæpius memoria versando dolores B. V. M.  
quod aptissime fiet recitando officium de  
dolorosa Domina nostrâ.*

**N**Osti equidem Parthenophile ipsam dulcissimam Matrem tuam apud S. Bri-

Brigittam in revelationibus à Bonifacio  
IX. & Martino sexto approbatis, teste  
Mallonio in SS. Syndone cap. 1. n. 19. &  
amplissima polliceri præmia iis, qui de-  
voto animo suos dolores venerentur;  
& non mediocriter conqueri de illis,  
qui tantos suos cruciatus negligentes,  
eorum non reminiscuntur. Sic igitur  
inquit Virgo : *Respicio ad omnes qui in  
mundo sunt, si forte sint aliqui, qui compatian-  
tur mibi, Et recogitent dolorem meum; Et  
valde paucos invenio; Ideo filia licet à mul-  
tis neglegasim, tu tamen non obliviscaris mea.  
vide dolorem meum, Et imitare quantum pos-  
tes; considera dolores meos, Et lacrymas.*  
Quin & Te Parthenophile hisce verbis  
alloqui tristissima Mater tua censenda  
est, ut tui qua amoris, qua doloris ex  
immenso mœroris Mariani oceano hau-  
sti specimen hodie, cæterisve diebus  
edas, per horas singulas dolorosæ Vir-  
ginis recordaberis, quod ut facilius pos-  
sis, horas diurnas, quas vocant officium  
minus de angustiis Matris tuæ recitan-  
dum piè, & attendè, subjiciam; quid  
præmii inde sis consecuturus infra in-  
telliges.

Officium de septem sacris doloribus B.V.M.

Ad matutinum.

*Prædictio gladii Simeonis.*

Eia mea labia nunc annunciate;  
 Dolores, & compassionem virginis beatæ.  
 Domina in adjutorium meum intende,  
 Domina ad adiuvandum me festina.  
 Gloria Patri & filio & Spiritui Sancto; sicut erat  
 in principio & nunc & semper & in sæcula sa-  
 culorum Amen.

*Hymnus.*

Septem tuos dolores  
 Maria cum considero,  
 Tecum pati labores,  
 Tecum mori desidero.  
 Annæ gemit senectus,  
 Et Simeon affigitur,  
 Doloris enī pectus  
 Quando Tibi transfigitur.  
 ¶ Tuam ipsius animam pertransibit gladius do-  
 loris.  
 ¶ Ut reuelentur ex multis cordibus cogitationes.

*Oratio.*

**I**nterveniat pro nobis quæsumus Do-  
 mine JESU Christe nunc, & in hora  
 mortis

mortis nostræ apud tuam clementiam  
B. V. Maria Mater tua, cuius sacratissi-  
mam animam in hora passionis tuæ do-  
loris gladius pertransivit. Per te JESU  
Christe Salvator mundi, qui cum Patre  
& Spiritu Sancto vivis & regnas in sæ-  
cula sæculorum.

¶. Domine exaudi orationem meam,

R. Et clamor meus ad te veniat.

Et fidelium animæ per intercessionem dolorosæ  
Virginis requiescant in pace.

### Ad Primam.

#### *Fuga in Ægyptum.*

Domina in adjutorium &c. Domina ad adjuvan-  
dum &c.

Gloria Patri &c. Sicut erat in principio &c.

#### *Hymnus.*

Fugis Maria prolis  
Onusta sacro pondere,  
Et luminare solis  
De nocte vis abscondere;  
Ægyptus est asyli  
Locus tuis amonibus;  
Juxta fluenta Nili  
Liquescis in doloribus.

¶. Tuam ipsius animam &c. R. Ut revelentur &c.  
Oratio & reliqua ut supra.

## Ad Tertiam.

*Amissio Filii in Templo.*

**D**omina in adjutorium &c. Domina ad adjuvan-  
dum &c.

**G**loria Patri & filio, & Spiritui S. Sicus erat in  
principio &c.

*Hymnus.*

**I**n Patris esse rebus  
Cum nescires filium;

**V**isa es tribus diebus  
Pallere sicut lilyum.

**C**lamans per angiportus  
Fili, replebas æthera;

**D**ictura plus, obortus  
Dolor premebat cœtera.

**T**u in ipsius animam pertransibit gladius do-  
loris.

**U**t revalentur ex multis cordibus cogitationes.

*Oratio.*

**I**nterveniat pro nobis quæsumus Do-  
mine Jesu Christe, nunc & in hora  
mortis nostræ apud tuam clementiam  
B. Virgo Maria Mater tua, cuius sacra-  
tissimam animam in hora passionis tuæ  
doloris gladius pertransivit. Per te  
Jesu Christe Salvator mundi, qui cum  
Patre & Spiritu Sancto vivis, & regnas  
in saecula saeculorum Amen.

**v. De-**

¶. Domine exaudi orationem meam.

R. Et clamor meus ad te veniat.

Et Fidelium animæ per intercessionem dolorosæ  
virginis requiescant in pace Amen.

Ad Sextam.

*Occursus Christi cum cruce.*

Domina in adjutorium meum intende;

Domina ad adjuvandum me festina.

Gloria Patri &c. Sicut erat in principio &c.

*Hymnus.*

En fert trabale lignum,

Flagrisque Jesus icitur,

O Mater ecce signum,

Cui porro contradicitur.

Eheu crucem ferenti,

Corpus fluit cruentibus;

Et cor tibi parenti,

Submergitur doloribus.

¶. Tuam ipfius animam &c. R. Ut revelen-  
tur &c.

Ad Nonam.

*Astat Virgo Mater morienti filio.*

Domina in adjutorium meum intende,

Domina ad adjuvandum me festina.

Gloria Patri &c. Sicut erat &c.

*Hymnus.*

Calvariæ est amoris,

Et est doloris vinea,

B 5

Sicut

*Hebdomas Patientiae*

Sunt præla vinitoris  
 Clavi & corona spinea.  
 Dum fixus est Jesus,  
 Crucisque calcatorculum,  
 Amor dolore læsus,  
 Premit Mariæ corculum.

**V.** Tuam ipsius animam &c. **R.** Ut reuelentur &c.

*Oratio cum reliquis supra.*

*Ad vesperas.*

*Depositio Christi de cruce.*

*Hymnus.*

Maria quando Petra  
 Sensu doloris scinditur,  
 Diesque nocte tetra  
 Luger, tibi cor finditur.  
 Depofita membra ligno,  
 Sed membra caſla lumine;  
 Foves ſinu benigno,  
 Lavas doloris flumine.

**V.** Tuam ipsius animam pertransibit gladius doloris.

**R.** Ut reuelentur ex multis cordibus cogitationes.

*Oratio.*

**I**nterveniat pro nobis quæfumus Domine JESU Christe nunc & in hora mortis

**mortis nostræ apud Tuam clementiam  
B. Virgo Maria Mater tua, cuius sacra-  
tissimam animam in hora passionis tuæ  
doloris gladius pertransivit. Per Te  
Iesu Christe Salvator Mundi, qui cum  
Patre, & spiritu sancto vivis & regnas  
in sæcula sæculorum Amen.**

**¶. Domine exaudi orationem meam,**

**¶. Et clamor meus ad te veniat.**

**Et fidelium animæ per intercessionem dolorosæ**

**Virginis requiescant in pace.**

### **Ad completorium**

#### **Sepultura Christi.**

**¶. Converte nos Deus salutaris noster,**

**¶. Et per dolores Virginis averte iram tuam à no-  
bis.**

**Domina in adjutorium &c. Domina ad adjutan-  
dum &c.**

**Gloria Patri &c. Sicut erat &c.**

#### **Hymnus.**

**Cum filio sepulto**

**Lapis sepulchro advolvitus;**

**Tibi Maria multo**

**Dolore vita solvitur;**

**Sedens ad antra tumbæ**

**Mæsto susurro murmuris.**

**Iustar gemis columbæ,**

**Et plangis instar cururis**

## Commendatio.

O Mater ut dolorum  
 Per hanc amaritudinem,  
 Cœlestium bonorum  
 Gustem suavitudinem;  
 Tecum pati labores,  
 Tecum mori desidero,  
 Septem tuos dolores  
 Dum plaango, & considero.

Habes Parthenophile officium sacris  
 doloribus Matris Tuæ consecratum;  
 nunc, quid præmii vel mercedis, si illud  
 impigre consuetis horis perlegas, sis re-  
 portaturus, ex sequenti colliges histo-  
 ria; qua finita ad diem lunæ pacifice  
 transigendum procedemus. Testatur au-  
 thor Pomerii lib. 3. de B.V.p.4. a.3. Bea-  
 tum Evangelistam Joannem, ingens ali-  
 quando incessisse desiderium videnda  
 dilectissimæ suæ Matris, posteaquam  
 jam ad cœlos assumpta fuisset. Igitur  
 quodam tempore à se abreptus, specula-  
 vit cum Christo Dominam, audivitque  
 de illius tormentis in cruce toleratis, at-  
 que de ingenti compassionis & commi-  
 serationis affectu dolorosæ Matris dif-  
 ferentem: filio deinde supplicavit Piis-  
 sima

Sæma Deipara, ut cœleste quoddam munus, idque non vulgare omnibus imperiretur, qui pie rerum illarum tum gestarum meminissent; Cui filius in dolorosam Matrem animo promptissimus illico hæc quatuor dona adpromisit: *Primum*, ut quisquis per dolores ante adductos precaretur, is priusquam è vita discederet, verum, ac syncerum de præteritis culpis dolorem cœlitus impetraret. *Alterum* fore ut suo ipsius præsertim imminente morte præsidio muniretur. *Tertium* se illius quisquis esset, cordi sua suppicia inscripturum: ideoque mercedem olim liberalissimam præstiturum. *Tandem* se Matri omne jus, facultatemque concedere pro tali aliquo quidlibet impetrandi. Felicem te Parthenophile si cordi tuo suppicia Salvatoris inscripta forent; felicissimum si dolorosa Mater tua pro Te vitam æternam à filio expostulet; sed confide, dolores Virginis afflictissimæ meditare identitem; erit, spero, ea hora, qua te hisce donis locupletem efficiet.